

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Marciavieri, in piazze Contarene e in Borg di S. Bartolomeo

Abonamens par l'interno un An quatri francs, sis mes doi francs: par l'estero il dopli.

Inserzioms: intindisi cu l'Aministrazion. Mandà i bez cun letare raccomandade o in vaglia postal al sempris indirizz: **Aministrazion dal Florean dal Palazz -- Udin.**

PREDICE DI FLOREAN

V. Si capis propit che Depretis al ul sciarà il slaif fin par die che il ciaval al si ferme e nol tire plui. Voaltris mi ves comprindut ce che o uei di: a mi mi par di jessi tornat sott i todeschs che si divertin a tigninus legris cu lis spìs, cu lis bajonetis, cui crovas e cu lis presons e va e no va ance cun qualchi poce di cuarde e savon.

Dulà, ise lade a finile cheste libertat, cheste fratelanze, chest Statut par il qual si fas fieste ogn'an?

La libertat e consist che no si po nance fevelà di ciartis robis parcè si ris-ce che qualchi galantomp al sei li a sinti ce che si diis e che al si cioli ance il disturb di là a contà ce che al ha sintut. La libertat e consist che no si po plui discori nè di patrie, nè dai siei grang umin che son stas i autors da la so indipendenza dal stranir. La libertat e jè tante che guai se si diis mal da l'Austrie, di che ciare potenze che nus regolve cussì ben, e se si scherze ogni poc su chest argoment, taf! a ti ciassin in cotejo e chi si ha visto, si ha visto.

La libertat e jè tante che seben il Statut al proclami il dirit di riunion, ogni volte che si ul doprà chest dirit, l'Autoritat pulitiche, cun un pretest o cun chell altri, no ul savent par nuje di lassà esercitalu.

Si tratial di onorà la memorie di un gran omp, par esempi di Mazzini?

Dugg e son d'acordo, ance i plui sfegatas moderas, almanco in aparenze, che Mazzini al jere un flor di patriot, un omp che al ha contribuit in gran part al risorgiment da l'Italie par dute la so vite e sin da quand ancemò no si azardave di pronunzià il non sant de patrie e quand che

chei che prediciavin l'unitat e la indipendenze e jerin tratas come tang mäs furios.

Dugg lu disin, lu sberlin, lu scrivin in Italie e fur. Esaveso ce che al fas il Guviar italian, par grazie e volontat dal nestri paron Depretis, a onor de memorie di chest gran omp, ricognossut da dugg?

Al ha proibit che il 10 dal mes corint si fasi une publiche comemorazion in ocasion dal aniversari da la so muart, cul solit pretest da l'ordin e de sicurezze publiche. Propit tal e qual come sott l'Austrie che arestave i citadins, ju bastonave, ju impresonave e ju copave par mantign l'ordin e la sicurezze publiche. Biele libertat, si par die, e podin là superbos unmont!

Se al è po di fa une dimostrazion di altri genar, magari ance clerical, e che efectivamentri e constituissi une provocazion cuintri i citadins liberali e onessg, alore noi è nuje ce di; si lasse fa e se nassin disordin, e son colpe i liberali che son stas i provocas e si ju mett in preson e si fassigi il process e si ju condane, avind cussì i bogns citadins il dann e lis beffis.

A di la veretat se dal lat de libertat i nestris amiis di là dal clap, i tognos, e han reson di ridinus sott i bafs, feveland de fratelanze po, sacre de vanzei, no podin lagnassi fregul tant che tai voi.

Cumò al è permitut liberamentri di assassinà il prossim dant bez a prò al 100 e ance al siscent par 100, e o vedès che la moralitat publiche sott il regno de libertat ad usum Depretis no podeve dà une prove plui splendide di cheste famose fratelanze.

E dugg i costums e han migliorat, tant l'è ver che dutis lis presons e son plenis di assassins, (ho mingo no i usuraris vedè!) di laris, di canais di ogni genar. Ma par altri, ciarts laris, chei che vadin in veladon, in guans, in ciapeli a cilindro e in carrozze a tiredoi e magari a tire quatri,

chei laris che han savut fale france e robà ben e no mal, e spassizin su e ju pe contradis cun t'una arie di trionfo e di prosopopee di fa tremà ance i clàs. E la sozietat; cheste sozietat ipocrite e injuste; cheste sozietat che se si trate di dai una man a un puar diaul che al sta par colà i dà invece un spenton e una pidade par che nol puedi tornà nancè a jèva su; cheste sozietat, che si instupidis daur i suces e nujaltri; ai laris grang e tire ju tant di ciapiell, i fas mill complimenz e adulazions, ju ricev in tes ciasis, tes conversazions, tai teatros, tai bai, parcè che il lari al ha i millions che cuviarsin dutis lis pecis passadis.

Cheste, o repet, e jè la famose fratelanz e dunce, ciars furlans, azunzeit a dutt chest lis tassiss innumerevolis che nus pesin su la schene in mud di no podè là plui indenant; azunzeit il ciar eccessiv dai vivars e specialmentri dai genars di prime necessitat; azunzeit la mancianze di lavor par puars operajos, e dopo e varès un biell quadri da la moderne civiltat.

Mi inacuars cumò di vè fate ai miei ciars letors una predice cun dutis lis regulis. Ce oleso fa? Ogni tant ciartis veretas, se ben che al dul il cor, si scugne pur dilis, e tant ben che sin in Quaresime o hai ciolte l'ocasion di faus una predice. Di Carneval us hai dit che si divertis a più non posso: ogni robe e ul a la so stagion e dunce cumò fait penitince.... magari cul lèi cheste fete.

LETTERATURE DI FLOREAN

AL CAFÉ

Botega: FLOREAN —

Un biel capo, par die! —

No si ha di ridi un pòc?

vin di sta simpri serio?

Ridi.... par chei scempiès?

no capis.... — Parcè nò?

tantis voltis si rid

par mancoul ancemò:

sintie là ce bacan

fra chell club di veladis....?

e pur sbalin monadis! —

E lu dis jè, lu dis;

figuraissi se i stà....

la schiume dal pais....? —

Ben ben, sedi cun dio,

mo stoi a cinquantà;

però convignarà

che l'omp viv di scempiès plui che di pan.

STORIELIS DI FLOREAN

Al è un piezz che Florean no us fevele di maghis e di magos, se ben che che di borg di Viole e continui ancemò tes sos brauris di nari i malas e di induvinà cheil che nelin savè i aventors.

Ma, in zornade, al par che lis maghis e i magos e vegin fur come lis violis pai fossai e cussi o hai il plazè uè di presentaus doi bieł champions de magie da me scuviarsus in borg di Cussignà.

E ves di savè che l'omp che al fas la part dal mago e che al mett in sberte i carantans giavas ai mamos, al magnetizze une femine pizzule che si preste gentilmentri a fa la maghe.

E ves di savè che zà diis e capità di chesg doi bieł tipos una contadine che ha so brut in Americhe. Il fi, che al è il marit di cheste gnove americane, al sta cun so mari.

Al par dunce che mari e fi e voressin savè come che se la passave in Americhe la tizie, avind forsi mutiv di sospetà da la so condote. Alore il mago al si mett a l'opare e in manco che si lu diis al ti magnetizze la maghe.

E scomenzia lis domandis e la maghe e rispuind: Oh ce frede che jè l'aghe cull, fasind fente di vè fatt il viazz par l'Americhe. Uestre brut, e azunzà, e ha mal in t'una giambe, e cheste e jere vere. Ma si capis che la maghe si veve informade di qualche particolar intor a cheste int, parcè che qualitat di canais li e san remenà la paste come che va.

Dopo e continua a contà che la brut e jere poc di bon e che viveve cun tre toscans, e podes imaginasi cun ce confuart par che puare femine, mari dal marit. E je e ha erodut dutt parcè che l'afar de giambe al jere spiferat just. Alore la madone e voleve che la maghe i fases vigni la brut a Udin, che varess spindut ance cent francs.

Ma la maghe e rispuindè che si po bensì savè dutt ce che fasin e ce che disin, ma che la so facoltat nò rivave a fale fa cheil viazut, che no jè la strade da l'ort. Figuraissi ce stochs, e di che ancemò si ciate i gonzos che erodin a chestis imposturis e si prestin a mantignì tantis trufaris. Il mago al incassà doi francs di che puare femine e cui sa ce sacrifici che je e varà fatt par dajai. Ma, pur tropp, in chest secul che i disin dal progress, e jè ancemò tante ignoranze. E Florean no si stufarà mai di sberlà cuintri i impostors.

CORISPONDENZE DI FLOREAN

San Vit, 8 Marz

Ciar ami ti prei di scusami se no pues, come vevi desideri, mandati une me relazion intor a chest pais, patrie, e disin contrastada, di Fra Paolo Sarpi, ma il mutiv che mi lu ha impedit al fo che dovei sta lontan diviars diis in ciase di me comari Zefe che m'invidà a gnozzis di une so fle.

O hai però sintut che Recardini al va ben, che i bez i plovìn e che il teatro ogni sere al è plen. — O hai propit gust, e mi vares displasut che nol ves fatt fortune parcè che alore Facanape si vares disgustat e forsi al podeve bandonà la scene. — Di pusitiv no puess diti nuje, ma o frequenterai il teatro e ti savarai a di dopo cun precision come che stan lis ciossis. Ciart al è che se Recardini e compagnie nus lasse, e podin là a durmì a scur, no jessind cà nissun altri divertiment.

O soi ancc sglonf di contati lis prodezzis, lis furbaris di ciart individuo, che mi disin ch'al sei une caricature pulitiche-leterarie-mino-danzant, ecc. ecc, ma o spieti che miò barbe Vigi mi puarti ancemò un ritai che mi mance par completà il lavor.

O hai vidut l'altre di to cusin Florean (senze covertorie) e mi disè che ti saludi.
Viole.

Cividat, 12 Marz

Ti hai promitut di scrivili e ti scriv. I usuraris di culi e continuin ancemò a fa qualche afar; ue e derin, dosinte frano a un puar dioul, par vot diis. L'interess al fo mischinut; dodis soi francus e nuja tri. Fas tu il cont, ciar Florean, cetant che al ven par cent!!

Ancemò no son ben morestas. — Altris nuvitas: La sozietat dei matezz e sta par piardi pipinate N. 2, essind lui stat nomenat riviodidor dei biglies dei pens sul Mont di Pietat di Corfù. — Il sord al si rosee l'anime parcè che in te nitare e ciapin ancemò unmontis di uitis, lui al ores che i ciolessin la licenze, par ciapalis dutis lui; ma... *et voleva lu.....ma ella...* Oh!... e al ha un oe fa mostro a fa la ronde, par spaventalis dutis. Cumò o ti lassi, paroechè seugni là a fa la batude, par dai di mangià a la canae; o ti saludi, preparimi i ùs durs par cheste Pasche, che o vignarai a ciatati e o ti contarai tantis robutis e bielis.

Gisulfo.

DA LA ZAE DI FLOREAN

O ricev e o publichi:
Simpatich Florean!

Come tu devis savè, la Cumission pal Monument al nestri gran Garibaldi, e ha dàt il sò vòt par che al sei fatt a pid, mentri la magioranze dai oblators e citadins dugg non escludus i provinciai, lu uelin a ciaval. Si capis che si ciamine come il giambar. Un uerir a pid, e cul canocial in man: oh scinditi soreli partante vergogne! Di cà indenant se vin timp a vivi o vin di viodi i Monumenz dai futurs uerirs in att di jessi sintàs in caregon, e i Poetis, Scritors, Pitors, ecc. e saran mitùs a ciaval. Zà l'esèmpli lu dà Udin in cheste circostanze: tal l'è il judizi laminòs de Cumission. E cheste seutenze hae zà di jessi inapelabil? — Al saress di radunà unassemblee di dugg i oblators, e che ancc lor vessin di cà il sò vòt, e a viodaressin chei de Cumission come vegnarez acolte la lor decision, fasinju restà cun tante di boce; come cu la boce spalancade a sinti cheste nuvità, e sòn restàs Gradine e Baleben.

Il Falcòz

Dal moment che no si ul o no si po impedi in nissune forme la famose speculazion organizade dai fornars, viodin almanco se, come rimiedi, podès valè di edità la gare fra lor, tocianju in te part debil dal'interess — *anima mundi* —.

Intant jo o dis e o sosten che il mior pan che si fabriche a Udin in zornade al è chel dai fradis in vie Manin (ex San Bortolomio) sei par la qualitat sei par la manipolazion, sei par la coture, sei finalmentri (ciosse di non disprezzasi, o crodarai jo) par la pulizie; in general unmont trascuràde, anzi, lasciale là... parcè... parcè di si. Animo duncc fornars! Dainus ancc voaltris dal biel e bon pan come chell dai fradis e cussi o mantignarès i uestris aventors, diversamentri (simpri che no sedin propri pitòcs o vevin qualche code) a pòc a pòc us disertaràn dal negozi par là naturalmentri in dulà che ur tornarà plui cont e che son miei servis. E voaltris? Voaltris restarès cun tant di nàs. La veso capide?

Mi scrivin:

Ciar Florean

Relativamentri a chell puar Lazzar di s. Marie di cui ti scrivevi, devi di (par no

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Marciavieri, in piazze Contarene e in Borg di S. Bartolome

Abonamens par l'interno un An quatri francs, sis mes doi francs: par l'estero il dopli.

Inserzioms: intindisi cu l'Aministrazion. Mandà i bez cun letare raccomandade o in vaglia postal al sempris indirizz: **Aministrazion dal Florean dal Palazz -- Udin.**

PREDICE DI FLOREAN

V. Si capis propit che Depretis al ul sciarà il slaif fin par die che il ciaval al si ferme e nol tire plui. Voaltris mi ves comprindut ce che o uei di: a mi mi par di jessi tornat sott i todeschs che si divertin a tigninus legris cu lis spìs, cu lis bajonetis, cui crovas e cu lis presons e va e no va ance cun qualchi poce di cuarde e savon.

Dulà, ise lade a finile cheste libertat, cheste fratelanze, chest Statut par il qual si fas fieste ogn'an?

La libertat e consist che no si po nance fevelà di ciartis robis parcè si ris-ce che qualchi galantomp al sei li a sinti ce che si diis e che al si cioli ance il disturb di là a contà ce che al ha sintut. La libertat e consist che no si po plui discori nè di patrie, nè dai siei grang umin che son stas i autors da la so indipendenza dal stranir. La libertat e jè tante che guai se si diis mal da l'Austrie, di che ciare potenze che nus regolve cussì ben, e se si scherze ogni poc su chest argoment, taf! a ti ciassin in cotejo e chi si ha visto, si ha visto.

La libertat e jè tante che seben il Statut al proclami il dirit di riunion, ogni volte che si ul doprà chest dirit, l'Autoritat pulitiche, cun un pretest o cun chell altri, no ul savent par nuje di lassà esercitalu.

Si tratial di onorà la memorie di un gran omp, par esempi di Mazzini?

Dugg e son d'acordo, ance i plui sfegatas moderas, almanco in aparenze, che Mazzini al jere un flor di patriot, un omp che al ha contribuit in gran part al risorgiment da l'Italie par dute la so vite e sin da quand ancemò no si azardave di pronunzià il non sant de patrie e quand che

chei che prediciavin l'unitat e la indipendenze e jerin tratas come tang mäs furios.

Dugg lu disin, lu sberlin, lu scrivin in Italie e fur. Esaveso ce che al fas il Guviar italian, par grazie e volontat dal nestri paron Depretis, a onor de memorie di chest gran omp, ricognossut da dugg?

Al ha proibit che il 10 dal mes corint si fasi une publiche comemorazion in ocasion dal aniversari da la so muart, cul solit pretest da l'ordin e de sicurezze publiche. Propit tal e qual come sott l'Austrie che arestave i citadins, ju bastonave, ju impesonave e ju copave par mantign l'ordin e la sicurezze publiche. Biele libertat, si par die, e podin là superbos unmont!

Se al è po di fa une dimostrazion di altri genar, magari ance clerical, e che efectivamentri e constituissi une provocazion cuintri i citadins liberali e onessg, alore noi è nuje ce di; si lasse fa e se nassin disordin, e son colpe i liberali che son stas i provocas e si ju mett in preson e si fassigi il process e si ju condane, avind cussì i bogns citadins il dann e lis beffis.

A di la veretat se dal lat de libertat i nestris amiis di là dal clap, i tognos, e han reson di ridinus sott i bafs, feveland de fratelanze po, sacre de vanzei, no podin lagnassi fregul tant che tai voi.

Cumò al è permitut liberamentri di assassinà il prossim dant bez a prò al 100 e ance al siscent par 100, e o vedès che la moralitat publiche sott il regno de libertat ad usum Depretis no podeve dà une prove plui splendide di cheste famose fratelanze.

E dugg i costums e han migliorat, tant l'è ver che dutis lis presons e son plenis di assassins, (ho mingo no i usuraris vedè!) di laris, di canais di ogni genar. Ma par altri, ciarts laris, chei che vadin in veladon, in guans, in ciapeli a cilindro e in carrozze a tiredoi e magari a tire quatri,